

Här Fernand Etgen
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, den 8. Januar 2021

Här President,

esou wéi d'Chamberreglement et virgesäit, biede mir lech, dës parlamentaresch Fro un d'Madamm
Gesondheitsminister an un den Här Minister fir sozial Sécherheet weiderzeleeden.

Allgemeng ass den Trend an de leschte Joren a Joerzénkten deen, datt vun de Leit, déi am
Gesondheitssecteur schaffen, der ëmmer méi aus dem Ausland kommen, jee nodeem also
Grenzgänger sinn oder Ausländer, déi zu Lëtzebuerg wunnen. Dëst ass och bei de Patienten de
Fall, wou dach e groussen Deel vun de Patienten hei am Land engersäits keng Lëtzebuerger sinn
oder esouguer am Ausland wunnen.

An deem Kontext wéilte mir der Regierung gär folgend Froe stellen:

1. Wéi ass d'Opdeelung vun de Leit, déi zu Lëtzebuerg sozial verséichert sinn, der
Nationalitéit no? Wéi vill vun deene wunnen zu Lëtzebuerg a wéi vill wunnen am
Ausland, a wou?
2. Wéi vill Patienten, déi am Joer 2019 an der Noutopnam (Urgence) waren, waren
Awunner vu Lëtzebuerg a wéi vill waren Awunner vun engem anere Land, a vu wéi
engem? Wat fir eng Nationalitéit haten d'Patiente vun der Noutopnam?
3. Wéi vill Patienten, déi am Joer 2019 eng oder méi Nuechten hu missen an der Klinick
verbréngen, waren Awunner vu Lëtzebuerg a wéi vill waren Awunner vun engem anere
Land, a vu wéi engem? Wéi eng Nationalitéit haten d'Patienten?
4. Wéi hu sech déi hei gefrotten Zuelen an Donnéeën iwwert déi lescht 10 Joer entwéckelt?

Mat déiwem Respekt,



Jeff Engelen
Deputéierten



Fred Keup
Deputéierten